



DEO OPTIMO MAX. UNI ET TRINO, QUÆSTIO MEDICA,

CARDINALITIIS DISPUTATIONIBUS;
*manè discutienda, in Scholis Medicorum, die Jovis decimâ
mensis Martii, anno Domini M. DCC. LXIII.*

M. PETRO-JOSEPHO MORISOT DESLANDES,
Doctore Medico, Præside.

An siccitas aëris Parisini salubris, Si diuturnior insalubris?

I.



ANTIQUISSIMA Parisiorum urbs Lutetia, vigesimo
longitudinis gradu posita, latitudinis 48 cum 50 minutis,
cælo clementi, & temperato fruitur, teste Imperatore
Juliano, cognomine Apostatâ, qui ibi hyemem, utpotè
mitiorem degebat. Alveis hinc indè Sequanæ velut ambu-
bus ulnis quondam in cunis pressè capiebatur. Postèa Im-
peratorum complurium, Regum mox nostrorum deliciæ, & sedes. Licet

A

cremata sexies, è suis cineribus toties excitata excrevit ad hanc amplitudinem, quæ pomæriis, & mœnibus quanquam ter amplificatis vix continetur. Illa qualem spectamus urbium principem, & orbis veluti compendium, tot fastigia attollentem terna passim & quaterna ad minus ædificiorum tabulata, immensam planitiem ferè totam occupat. Illam coronant colles, qui orientem versùs recedere ab invicem quasi spontè videntur, & invitare in civitatem, tum benignas folis exorientis auras, tum puras Sequanæ lymphas leniter urbi reginæ allabentes. Illam montes defendunt à ventis vehementioribus, & noxiis, quos vetant nec patiuntur irruere, nisi illis, obliquo, & fracto impetu. Ad Arcton stat Martyrum Mons, olim dictus Martis, in quem Aquilo immissus magnam partem frangitur; at hinc, & indè circumfusus putredinis causas emendat. Austrum coercet Divæ Genovefæ Mons: Clodoveus verò Favonium, quem Passianus collis etiam, utcumque tenet. Eurus sive Subsolanus, nihil obstat quominus molli statu apertos urbis sinus recreet, & noctis nubesculas dispellat. Sapientissimus igitur, quicumque fuerit, Parisinæ civitatis Conditor. Feliciorum situm non optasset ipse Vitruvius. Verumtamen statione tam opportunâ, tam locuplete, frugis omnigenæ penu, unde-nam civium sanitas adeò frequenter periclitatur? Cur loco tam amœno non exulant sexcenta morborum monstra, quæ in uliginosis locis plerumque pullulant? Paralyse, apoplexiæ, cachexiæ, febres putridæ, & catarrhales, stomachi labores, & mille id genus. Nullibi plures rachitis infantes distorquet. Nullibi frequentior fœminarum fluxus albicans. Nullibi sæpius in utroque sexu nervi affligantur. Quid mirum? Tot camini fumosæ urbis, tot sordes animalium, & artificiorum sufficiunt indefinenter diu & noctu vapores nocivos, quibus ingravescit, & vitiatur aër urbi imminens, qui, si diutius stagnet, non mirum cives eo immerfos trahere animam morbidam, patientes mala quæ parit laxitas fibrarum, & serosa colluvies. At quis nescit illam pestem sicco tempore plurimum abigi, & tunc paucissimos ægrotare Parisinos?

I I.

NOVISSIMO sæculo, quo studium Physicæ renovatum est; primam circa aërem operam conulère illi præstantes ingenio viri, quibus sola dux, & magistra in physicis meritò placuit experientia. Eò magis admiranda, quò simpliciora sunt artificia demonstrandæ, imò estimandæ gravitatis aëreæ; necnon elasticitatis, cujus vim explicare ausi sunt, vel contrahere ad eum quem quisque super modum, cum spectat prodigia quæ edit aër maximè condensatus, aut rarefactus. Hippocrati gravitatis & elaterii ignota erant vocabula. At norat vires, cursus ventorum è quatuor mundi cardinibus, & ex intermediis variè afficientes corpora, tum diversam aëris rationem ad urbes montibus sublimis, aut vallibus depressas, aut vicinas paludibus. Uno verbo, difficile dixeris, quid novi, & magni momenti recentiores adjecerint unius

Hippocratis observationibus. Quòd illas suis comprobaverint experimentis, hoc uno laudandi recentiores. Novas etiam aliquot adinvenierunt, vias quibus vitiatuſ aër, ſin arcetur penituſ, ſaltem corrigitur. Hic celebrare juvat ſtudioſum ſingulate, Magiſtratum, & Ædiliuſ huiuſ urbiſ, concurrentibuſ Medicis, ut aërii fluxuſ, purioſe undæ, viæque patentioſe ventofiſ ſpirituſ diſſentur, ne ſitu torpeat aër; aut in eo paluſtriſ, cenofuſque odor diſſeminetur. Quiſ non jucundè, & cum grato animi ſenſu recordetur nomen illuſtriſſimi, triginta ab hinc anniſ, Proprætoris Т у р е о т, qui, ut navis Pariſinæ ſentinam expurgaret, curavit circumduci Pariſioſ Cloacam Romanis hauſ imparem, quodidianiſ, & novis ſemper aquis abſterſam, ita ut jam ſuâ Mephyti fœda illuvieſ non inquinet, purgamentuſ nullibi ſubſideat? Alter noviffimuſ * Proprætor rationem ſanitatiſ eo perduxit, ut irrigationibuſ æſtivuſ pulverem compeſceret. Hodiernuſ verò tantaruſ virtutuſ ſucceſſor *, & æmuluſ, parat fora ampliota, & novuſ Sequanæ alveuſ, quo non ſolùſ naveſ onerariæ tuò conſugiant hyeme, ſed etiam ſordeſ rivi de *Bievre* celeriſ devehantur. Illiſ nempe ſummis viriſ id perſuaſuſ & fixuſ animo ſedebat, & ſedebat, hominuſ ſortem aëre præſertim contineri, à quo vitæ & ſanitatiſ, ut interituſ, ac morbi inſigneſ cauſaſ habemuſ. Optimè Vitruviuſ Architectoruſ princepſ, Medicæ cognitionem cum ſuâ arte conſociari amat. Utinam noſtratuſ Architectoruſ major pars tantuſ ſecuta ducem, ſivè in ſitu ædiuſ, ſivè diſpoſitione internâ, præcipuaſ haberet rationem valetudiniſ habitantiuſ! aut ſaltem non inconfuſiſ Medicis, ſin domuſ privataſ, at publicuſ, Tempa, Palatia, toſ Noſocomia, ac præcipuè urbeſ reparandaſ, aut de novo ſtruendaſ ſtatuereſ! (a) Vir autem Medicuſ non naturaſ ſolùſ, ſed artiuſ virtuteſ & vitia explorat, & perpendit. Tam latè quam patet aër, excurrit ejuſ ſtudioſ. Actio aëtriſ triplex, vel extrinſeca, quâ totuſ corporiſ habitum premit, vel intrinſeca, quâ pulmoneſ permeat, aut alimentis mixtuſ invehitur. Caliduſ autem ſit, an frigiduſ, ſiccus, an humiduſ, puruſ an impuruſ, graviſ an leviſ, pluſ nec ne elatiſticuſ, pluſimi intereſt. Nobiſ autem de ſiccitate aëtriſ præcipuè diſſerenduſ.

* De Ber-
nago.

* De Pont-
carré.

I I I.

AËR leviſ, fluiduſ, pelluciduſ, ſoniſ, & odoribuſ permeabilis, ut-
potè comprimi, & dilatari potenuſ altiffimo quali oceano orbem
tetraſ involvit. Si vulgari ſenſu accipiatuſ, maximè diſtat ab elementari

(a) Cum Salapienſeſ Appuliæ genſ multiplici morboruſ genere abſumerentur, adie-
runt Marcuſ Hoſtiliuſ, deprecanteſ, ut in locuſ, magiſ opportunuſ, & ſalubreſ,
quem vellet, iſiſ liceret commigrare, & penateſ tranſferre. Ille votiſ annuit, & coemit
agroſ puro aëre, & ridenti celo gaudenteſ: ibi verò, cum ingeſ lacuſ ſedeſ novaſ
contingeret, & ab aquis ſtagnantibuſ mala pluſima timerentur, ductâ ingenti ſolâ, mare
in lacuſ fuit immiſſuſ, ita ut Salapienſeſ votiſ compoteſ in loco admoduſ ſalubri,
diſtante à priori circiter quatuor milliâ, floreant, morboruſ quibuſ antea obnoxii, jam
experteſ. Vid. *Vitruvium*.

substantiâ, etſi complectens partes elementi nomine inſigniendas. Rectè igitur diſtingui poteſt duplex, vulgaris qui heterogeneous, proprius qui elementaris. Prior in quo movemur, & ſumus, & quem ſpiritu trahimus viciffim, & reddimus, cogitari poteſt cahos univerſale, in quo omnis fermè generis corpuscula ſimul confuſa conſtituunt aggregatum diverſiſſimis conſtans rebus.* De elementari diſputent Phylci. Medicus autem totus in exquirendis quæ corpori humano profunt, & nocent; cum aërem conſiderat, non cum ſecernit ab aquâ, phlogiſto, & ſale quodam cum ipſo conjunctis.] Ubi vapores omnis generis ipſo leviores ſumman atmosphæram aſcendunt, regio inferior in quâ ſpiramus ſiccâ nuncupari poteſt. Illa verò ſiccitas juſtè temperata fibris addit eum modum qui laxitatem inter & rigiditatem nimiam intercedit; atque cum ſanitas à debitâ vi tonicâ, & elastiâ partium, & ab æquâ humorum fluiditate pendeat, aër ſiccus laudandus eſt præſertim in urbe, ubi laxatio fibrarum frequens. Ibi videre eſt animalium, & vegetalium interiora humore nimio diſſolvi. Aqua corporum meatus ſubit, penetrat, & volumen adauget. Hinc ſidium chordæ ſi madent, flacceſcunt inertes: idem ferè de animalium fibris, v g. natator multò minùs exercitatione, & motu fibrarum defatigatur, quam partium laxitate. Humidus aër facilius poros permeans elaterium imminuit, hinc atonia, aptus ſcilicet ad contractionem niſus, vel deficit, vel languet. Fluida in partem relaxatam uberius admitti, ſegnius propelli, & minus arteri, ſanguinis circuitum tardari, humores congeri, itagnare, corrumpi, ſolida inſarctu laborare, canales obſtrui, hinc ſæcunda morborum origo. Econtrâ ſiccò tempore Pariſini plus vigent, liberius exercentur functiones vitales & animales, inſpiratio, expiratio, & ſanguinis circuitus; vaſa nec comprimuntur, nec diſtenduntur nimis, egregiè cibos coquit ventriculus, humores tum excrementitii, tum recrementitii debitâ fermentatione ſecernuntur, ipſorummet ægotantium organa quæ paulo antè fatiſcebant oſcillationem nativam inſtaurant, vires exerunt, totumque corpus allevatur. Quibus corporis pondus inſolitum, & nocivum in fluidis fermentum morbos portendebar, illi depulſo malo omine ſerenam frontem explicant, adeoque decreſcit ægotantium numerus, ut nunquam ſit paucior. Demum ſanulſe, æger nemo non aëris huiuſce probitatem agnovit expertus. Sed illa tempeſtas adeò amica, & commendabilis, eadem ſi diuturnior, quare formidoloſa ?

* Boerh.
Elem. Chem.

I V.

CALORIS, vel frigoris capax aër ſiccus, præ aliis igne citò rareſcit. Imperceptibilis caloris adauctio ſenſibilem illicd rarefactionem docet. Si calor nimio, & diuturniori conjungitur, exſiccac ſolida, fluidiora abripit, & ſubſtantix animantium putredinem inſinuat; pulmonibus imprimis nocet. Ubi enim magis calet aër exterior, neceſſe eſt veſiculas pulmonales adulteret; exhaurit eum humorem beneficum quo ſolvuntur, & attenuantur ſales, exprimit ſudores nimios à fibris quæ iden-

3

tidem rigescunt. Indè solidis arentibus vitalis ordo turbatur, abest à membris agilitas quam systoles & diastoles vices desiderant. Avolante quaque parte maximè fluidà, tenuissimà, seu volatili, seu salinà, subdit modò in vasculis, moles terrestris, crassa, sale & oleo agglutinata, undè obstruitur jecur, languet ventriculus, sanguis febribus putridis depascitur. Hinc morbi sive acuti, sive chronici, quos generat bilis crassior quàm partes oleosæ, & salinæ abundant; hinc nervorum labores, & dolores acutissimi; alioquin ille àër siccior, & calidior, cum ferè nullo flatu recreetur, & stet tanquam iners, vapores animalium, & improbi halitus quorum fœta est tanta civitas conglomerati, corruptelæ nova monstra parturiunt. Facillimè etenim tabescunt & depravantur particule quæ corporibus emanant. Aqua balnei quo quis se immergit, molesto demum velut cadaveris fœtore inficitur. Si ter mille homines unum jugeris spatium occupent, intra triginta quatuor dies, in aëre exspatiabitur ad 71 pedes exhalatio indè affluens, quam nisi venti discuterent, sæviret pestis promptissima. Providendum igitur ut urbium viæ quam maximè pateant, non altius consurgant aëdes. Verandum ne, ut vulgò fit, tot cadaverà in templis aut cimiteriis inhumentur. Videatis velim hanc spectaculorum frequentiam: unius horæ spatio, aër corporum halitu totus fœtet: pulmones hauriunt aëra corruptissimum (quem conspirant tot pectora) gravem corpusculis quibuslibet impuris plerumque, & malè olentibus. Non verbum addam de Nosocomiis, quanto melius se haberent in campis apertis.

Nullum datur in naturà corpus, cujus moles magis contrahitur à frigore, quam aër. Caterùm maximam distantiam, quam Boyleus invenit rarissimum inter, densissimumque definivit esse, ut 1. ad 52000°. post frigus caloremque summum manet tamen illibata elasticitas. Crederes aëra creatum esse elementum tale, quod immutabili elaterio, mobilitateque semper vigeret, & operatur in omnia, & per omnia, quasi in suo genere ebulliens, subsiliens, omnia agitans. Aër siccus diuturniori, & nimio frigori consociatus fibras contrahit, quantum penetrat, quod ostendit animalium volumen calore ampliatum, & imminutum frigore. Hocce frigus agit instar aculei. 1°. Subest prurititus, dein levissulus inflammationis ardor irritatione, de contractione fibrarum accensus, vividior certe, & frequentior in pulmonibus, quorum calidior sanguis & membranulæ tenuiores, & frigus quod illos subit intolerandum foret, si calor expiratione totus ejiceretur. Præpeditur frigore perspiratio, multimodi sales, & partes crassæ emigrare solitæ constinguntur, & glomeratim concreescunt. Quàm multiplex indè morborum lues, in tunicis thoracum delicatulis, tussis malè pertinax, catarrhi quos sæpius febris comitatur, angina, peripneumoniæ, diarrhææ, deniquè scorbutum, quod malum in regionibus gelidis, v.g. Groelandiâ debacchatur. Usu tamen & experienciâ compertum est aërem plus æquò siccum, & calidum multò magis nocere quam siccitatem nimio frigori conjunctam.

* Vide Bal-
lonii Opera,
Epidem.
Tom. 1^o.

** Vide Mé-
moires de
l'Acad. des
Scien. an.
1754.

ANNIS 1575 & 1577, æstas Parisiis sicca admodum, & squalida fuit. Annis autem 1571 & 1573, hyems furebat algidissima, & maxime diuturna. Quæ tempestates, observante celeb. *Ballonio* nostro*, morborum fuerunt feracissimæ. Ex observationibus *Clar. M. Malouin*,** anno 1754, post hyemem rigidissimam ad diuturnam prægressam ætatem verò & siccissimam pariterque diuturnam magna morborum cohors incubuit Parisiis. Anno 1762, æstatis ær fuit apricus, & siccissimus. Mense Maio & Junio vix ulla cadit pluvia, per Julium mensem nulla; Mercurius in baroscopio sublimem retinebat stationem. Exanthemata, (observante actus Præfide Clariss.) omnigena comparebant, variolæ mali moris, quæ plurimos jugularunt, morbilli, cutaneæ eruptiones sine febre cum pruritu intolerabili. Retorrida tempestas magnam cerebri & nervorum imbecillitatem parit; delirium sæpe frequens in paroxysmis febrium intermittentium; in febribus acutis ferè perpetuum (a). Multos invadere affectus nervosi insulsum apoplecticum mentientes; diarrhæe frequentes acres, biliosæ, dysentericæ cruentæ. Febres biliosæ, malignæ, tertianæ Autumnales sub Junii mensis finem caput extulerunt. Non tutò curabantur absque venæ sectione: sanguis enim æquè viscidus ex febribus intermittentibus, colicis dysentericis, ac ex pleuriticis. Mala recensita præcavebantur diætâ siccæ & squalidæ tempestati contrariâ institutâ; nempe victu molli, humido ex oleribus, cichoraceis

(a) Mense Septembri ineunte, formosa puella, suprà 20 annos nata variolis discretis & boni moris corripitur. Ebullitionis tempore, non secta vena fuit, nec vomitorio, ac purgante uedimento sursum deorsumve corpus versum, parentibus obstinatè reluctantibus; quod pejus! Præfata ex scorfonera ubertim propinabatur, vino dividente mixta, & subinde cochlearia decocti cinnamomi ex vino cum saccharo. Profusissimi erumpebant sudores. Quinto ab eruptione die, de nocte accersitur Medicus*. Clamabat ægrotans se interno uri incendio. Febris vehemens erat, oculi flagrantés, facies intensè rubra, jactatio irrequieta, delirium phreneticum imminens; pustulæ siccæ, duræ, depressæ. Illic emulsiões ex Codice Parisino præscribuntur; saphena tunditur. Duabus post horis, denuò aperta vena, ex voto ægrotantis vehementissimo, absente Medico, Chirurgo frustra reluctante. Animo linquitur ægrotans. Redit Medicus, pacatiora videt omnia; sed pulsus erat debilis, facies pallida. Porio emetico-cardiaca exhibetur, felici cum successu: ferò vesicatoria tibiis imponuntur. Nox sequens ad mediam partem quietior. Sexto die recrudescit delirium phreneticum; vena rursus secatur in pede; horis serotinis in jugulo. Abundè propinantur emulsiões; ægra tamen delirat, furit, *Εμμαν*. Pustulæ internæ mollescunt, turgent, suppurant, ac tandem exsiccantur. Diceret ambos decumbere ægrotantes, quorum alter variolis benignis laboraret, alter phrenitide pertinacissimâ. Nono die pergebat delirium: exsiccatis penè pustulis, balneum vix calidum jubetur, quod manix impetum fregit; bis iterùm eodem die repetitum, ac per 20 dies ad minus semel continuatum ex aquâ frigidâ. Sensim ad se redit ægrotans, & perfectè intrâ mensem convalescit, corpore & mente sana.

* Celeb. M.
Morisot
Deslandes,
actus Præfide,
qui in consi-
lium vocave-
rat Clariss. &
Vigil. Deca-
num M.
Bellæste.

Post ætatem anni 1754 calidissimam & siccissimam, *Cl. M. Malouin*, infanias frequenter observabat. *V. M. de l'Acad. des Scien. ann. 1754.*

præsertim potatione, & aliis ejusdem familiæ, cerevisiæ, aut aquæ acido limonum succo, & oleo essentiali amaro corticis citreorum imprægnatæ; frigida balneum optimum quoque prophylacticum, iis præsertim qui syste-
matis nervosi imbecillitate laborant. Interposita ad biliolam colluviem ecco-
proctica multis profuerunt. Ejusdem anni medio Decembri, aër fuit frigidus
valde. Magna barometri elevatio; venti spiraverunt Aquilonares, & ad Fe-
bruarii initium dominati sunt usque perdurante rigidissimo gelu; ita ut post
hominum memoriam altius nunquam, ac diutius Sequanæ flumen constri-
ctum gelu. Ineunte frigore, graves & pertinaces arthritidis sæviunt paro-
xismi, rheumatismi, dolores artuum intolerabiles, cum stupore, & motus
impotentia conjuncti. Passim tussis grassatur implacabilis, & pertinaciter
cum parciore, & laboriosa admodum materiæ viscidæ exscreatione; post
febrim adactam, perdurans, tabem, nî caveatur minitans. Variolis pau-
ciores laborant, & cum minori periculo; morbillis verò plures ad erysipe-
laris naturam accedentibus: iis correpti contrectari nequeunt, quin doleant
vehementer; adeò dolorifica cutis quæ tota desquamatur. Sub Februarii ini-
tium Austro afflante, soluto de repente aëris elatere; alvi profusiones quam
plurimos, cum torminibus, dysentericiæ albidæ nonnullos vexavêre. Mirum
quot senes confertim, & subito extinguantur! Quot pueros tussis fe-
rinæ, clangoræ divexant! Quot demum cujusque ætatis homines febris
catharralis putrida infestat! Quibus robustum sive ex naturâ, sive ex vi-
vendi genere obigit temperamentum, ad prophylaxim profuit potus
nonnihil spirituosus horis matutinis, antequam domibus prodirent, sive
equo, sive pedibus variis obeundis muniis eundum sit, calidissimis interea
vestibus cincti, atque post cœnam levem longior somnus: senes verò,
imbecilles omnes, quibus debilis præsertim pulmo, non alio modo aëris
inclementiam vincebant, quam si domi sese continerent, perpetuò aërem
spirantes calidum, non ex hypocausto, debilibus pestifero, sed ex foco
camini luculento. Præsidio quoque, & munimento corporis fuerunt ad
ignem frictions, potus tepidus ex infusis foliis, & floribus diureticis, &
victus mollis, humidus, qui laxam teneret alvum. Tempestatis demum
insalubris mala vitarunt, qui statim à cessante gelu renuiorem observarunt
victus rationem, & humores per hyemem congestos lenibus purgantibus
expulerunt. Igitur tot ex Physicis, Physiologicis, Pathologicis desump-
ta argumenta, sanitas, morbi, mala ex cautelis neglectis, ex adhibitis
sumpta bona datum problema solvunt. Undè ratione & experientia innixi
audacter concludimus.

Ergò siccitas aëris Parisini salubris, si diuturnior insalubris.

Proponebat Parisiis, FRANCISCUS THIERRY DE BUSSY, Tullensis;
Doctor Medicus Rhemenfis, necnon Saluberrimæ Facultatis Medicinæ
Parisiensis Baccalaureus, Theſeos Auctor.

A. R. S. H. 1763. A SEXTA AD MERIDIEM.

